

2 TESALONICENSES

Pablo Cui'ne I Cōcohua'i Toya Cōse'e

1 ¹Yē'ë Pablo cui'ne Silvano cui'ne Timoteo cōni iye toya ja'hua Tesalónica daripë acohua'ina, Maija'quë Diusuna cui'ne mai Ējaë Jesucristona tsiosicohua'ina toyayë. ²Diusu Maija'quëpi cui'ne mai Ējaë Jesucristopi necaina, jo'cua de'oye pa'ijë'ë, cajë.

Maija'quë Co'ye Yo'ocohua'ire Sai De'huaye

³Mësarū Maija'quëre pa'iji cuasayepi ai jerepa ai de'oquëna, cui'ne paire oiyepi jero sa'na ai jerepa oiye pa'ina, Maija'quëre si'anë mësaruni cuasajë Maija'quëre sejë de'oji cajë pëpayë. ⁴Cui'ne mësarū yecohua'ipi josa yo'ojëna, neñañere quëcojë Maija'quë pa'ire pa'ji cuasa do'ire pa'yere, yëquëpi sehuosicohua'i ja're cōni de'oyerepa yo'oye'ni cajë sihuayë, mësarū pa'yere. ⁵Iye yo'oyepi Maija'quë pa'i ñape yo'ose'ere ca de'huaquëpi nuñerepa yo'oyere. Jaje pa'ina, Maija'quëpi mësarute de'ocohua'ire pare ëja de'huaji, i cuañe te'te cacaja'cohua'ire ja ai yo'o do'ipi.

⁶Jaje pa'ina, nuñere pa'ë, mësarute, josa yo'osicohua'ire Maija'quëpi ai yo'oyepi iohua'ire saiñe. ⁷Mësaruni ai yo'osicohua'ini pëa huajëyere isiquë, yëquë ja're cōni. Iye yo'oye cato pa'lja'coa, Ējaë Jesús i huiñaohua'i tutu quë'iohua'i ja're cōni ma'tëmopi toa coro ne'su mëiñeja'a ñai maca. ⁸Ja maca Maija'quë pa'iyë asaye coesicohua'ire, cui'ne Jesús huaso coca asaye coesicohua'ire si'sequë nejosi'quë daija'quë api. ⁹Ja maca jaohua'i ti nejo cuañoja'cohua'i a'ë, Ējaërepa cui'ne i de'o tuturepa peo huë'ñana, so'ona. ¹⁰Jaje nejo cuañosicohua'i pa'lja'cohua'i a'ë, mai Ējaë Jesús i tsecohua'ire de'ocohua'ire pare nesi'quë dai maca, ite sehuocohua'i si'aohua'i ite ña quëquëjë de'oquëre pa'ni ca maca, cui'ne mësarujë te'le cōni sihuaja'cohua'i a'ë, yëquë quëajëna, sehuosicohua'ipi.

¹¹Maija'quëpi mësarute de'ocohua'irepa pa'lja'cohua'i a'ë caquë soipi. Soisicohua'ipi jare ti'ajajë cajë si'anë Maija'quëre secacaiyë. Cui'ne i tutupi si'aye mësarū de'oye neñe yëjë cuasaye, cui'ne mësarū Maija'quë pa'ire pa'ji cuasa do'ipi co'amaña neñe cōcāni ti'ajaquë cajë señë. ¹²Señë, cui'ne Jesucristo mamipi de'oyerepa ca cuaño'se'le pa'ljaquë cajë mësarute de'oye necai do'ire, cui'ne mësarujë i do'ire de'oye ca cuañojajë cajë.

Ti Co'aquë

2 ¹⁻²Mai Ējaë dai ja'ñere cui'ne mai i ja're tsiojai ja'ñere asacohua'ipi, Ējaë dai mu'se tsoe ti'api, yëquë toyase'e a'è cajëna, asani so'lo dai cocare asani panita'a jaje Maija'quë ñnopi cayena asani ai cuasa huesëma'pë pa'ijj'ë, cajë mësarute Maija'quë do'ijjere jaje cuasama'pë cayë. ³Coso cuañoma'pë pa'ijj'ë. Ja yë'ta'ta Ējaë dai mu'se ti'ama'në du'ru macarepa cato Maija'quëre ai sañope yo'oyepi pa'ijja'coa. Pa'ina, ne huesë hue'ña mamaquëre papi co'aquëre papi etaja'quë api, iye yejana. ⁴Jaëpi ai jerepa pa'i a'è caquë sañope yo'oja'quë api, si'aye Diusu mami hue'eyere panita'a pai señere. Jaje yo'oquë Maija'quëre se huë'ena cacani ja'runi yë'è a'è, Diusu caquë yo'oja'quë api.

⁵Yë'è iye ayere tsoe mësarute quëahuë, mësaru ja're pa'i maca, cuasajj'ë. ⁶Yure mësarupi tsoe asayë, co'aquërepa eta mu'se ja ti'ama'ëna, i etaye ësequëre. ⁷Jaje pa'iquëta'are tsoe yo'lo huëose'epi pa'iji, co'ayerepa yo'lo ja'ñie, yahuese'e pa'iye, coa ite ësequë Maija'quë joyo iye yejapi eta saiyese'e carapi. Ja maca tsoe co'aquëre papi pa'ijja'quë api. ⁸Pa'ina, Ējaë Jesucristopi dai i yë'opo tutupi sëco hueaquë, i dai miañepi ite peo hue'ñarepa nejaja'quë api. ⁹Iquë co'aquërepa cato Satanás cocaiyepi yo'oquëpi daija'quë api, si'a huati tutu paquëpi, cui'ne pai yo'lo ti'a ma'ñie co'a tutupi yo'lo ñnoquëpi. ¹⁰Ja tutupi yo'oquë nejo hue'ña saicohua'ire cosoja'quë api, nuñerepa cocare asani huaso cuañoni pa'iye coesicohua'ire. ¹¹Jaje pa'ina, Maija'quë ësema'ë coa ñaji, jaohua'ire, nuñerepa cocare sehuoye coesicohua'ipi tayose'ere itire pa'ë cajë cosoyere sehuojajë caquë. ¹²Sehuoni co'ayese'e sihuacohua'ipi si'aohua'i nejosicohua'i pa'ijajë caquë.

Sahuasicohua'i Pa'iye

¹³Maija'quë do'ijjë, Ējaë oicohua'irepa, Diusupi mësarute sahuani soipi, mësarupi nuñerepa coca asa do'ipi, cui'ne Maija'quë joyopi, de'ocohua'ire necai do'ipi du'ru huasosicohua'i pa'iye ti'ajajë caquë. Jaje pa'ina, yëquë mësaru do'ire, si'anë Maija'quëre de'o'ji cajë pëpaye pa'iji. ¹⁴Jaje pa'ina, iyere caquë mësarute yëquë i huaso coca quëayeja'a soipi, mai Ējaë Jesucristo de'oyerepa pajajë caquë.

¹⁵Jaje pa'iye sëte Maija'quë do'ijjë, yëquë mësaruna ñajë ye'yase'ere, cui'ne yëquë toya saose'ere huanëyema'pë ocue pa'i macarepa tuij'ë. ¹⁶Mësarute Diusu, Maija'quëpi cui'ne mai Ējaë Jesucristopi maire oi de'oye necaiquëpi, maire ti ca yë'huaye isisiquëpi, cui'ne de'oyere pare utejë pa'iye isisiquëpi, ¹⁷jaëpi mësaru joñoana jerepa yëjë neñe isiquë, mësarute ocue pa'i macarepa ñacai paquëna, mësaru cayepi, cui'ne mësaru neñepi de'oyerepa pa'ijjaquë.

Yëquëre Secacajj'ë

3 ¹De'o'ji. Maija'quëre do'ijjë, yëquëre secacajj'ë, iyere cuasajë, mai cocapi si'a hue'ña esa ti'acquëna, paipi sihuajë sehuo ja'ñere mësaru sehuose'eye pa'ye. ²Jai pai yecohua'i Maija'quë pa'iji cuasama'cohua'i

pa'iyē sēte, sēcacaijĕ'ĕ, co'aye yo'oyena dahuēyesicohua'ipi jōsa yo'oye paja'cohua'ire, yēquĕre. ³Jaje pa'iquĕta'are, Maija'quĕ i case'eje pa'ye yo'o tĭ'laquĕre papi mĕsarute ocue pa'i macarepa paquĕ ñacaijaquĕ, co'aye mĕsaru neñe peoja'core. ⁴Jaje pa'ina, cuasayĕ, mai Ējaĕpi cōcaina, neĵĕ pa'icohua'ipi, yĕquĕ cuāñese'eje sehuojĕ neja'cohua'i a'ĕ, jeoñe peoyerepa. ⁵Jaje pa'ina, mai Ējaĕpi mĕsarute cōcaijaquĕ Diusu oiyeje pa'ye yecohua'ire oi ja'ñe, cui'ne ai yo'onije, Cristo tutu isiyepi quĕcocohua'i pa'i ja'ñe.

Co'amaña Neñe

⁶Maija'quĕ do'ijĕ, mĕsarute mai Ējaĕ Jesucristo mamipi cuāñeñĕ, co'amaña neñe coe Maija'quĕ do'iquĕpi yĕquĕ ye'yase'eje pa'ye pa'ima'quĕre tsiomapĕ pa'ijĕ'ĕ. ⁷Tsoe mĕsarupi asayĕ, yĕquĕ ye'yase'e tuicohua'i pa'iyē. Yĕquĕ mĕsaru quĕ'ro pa'i maca co'amaña nema'pĕ pa'iyē pañuĕ. ⁸Cui'ne aōje do'i peoye aīñe pañuĕ. Saijĕ aĕ'ĕ, ĩti tse acohua'ina. Jaje pa'ina, ñami cui'ne mu'se co'amaña nehuĕ, mĕsaru acohua'ini dĕquĕyeje pa'ye yo'oyere coejĕ. ⁹Mĕsarupi yĕquĕre cōcaiye pa'iji cajĕ señe pa'iquĕta'are, co'amañare nehuĕ, mĕsarupi yĕquĕna ye'yeni neĵĕ pa'i ja'ñere cajĕ. ¹⁰Yĕquĕ ja yĕ'ta'a mĕsaru ja're pa'i maca ñeje ye'yahuĕ: co'amaña neñe coequĕ, aōje aīñe pajaquĕ. ¹¹Jaje pa'iquĕta'are asayĕ, jaro mĕsaru quĕ'ro acohua'ipi ti co'amaña nema'pĕ coa pa'ijĕ, co'amaña necohua'i cayeje pa'ye yecohua'ire quĕajĕ cu'iyĕ, cajĕna. ¹²Jaje pa'ina, jaohua'ire mai Ējaĕ Jesucristo cuāñe tuture papi cuāñeñĕ, co'amaña nejajĕ ĩohua'i nese'ere aija'cohua'i.

¹³Maija'quĕ do'ijĕ, de'oye yo'oye jeoma'pĕ pa'ijĕ'ĕ. ¹⁴Mĕsaru acohua'ipi yĕquĕ cajĕ iye toya saose'ere sehuocaima'cohua'i pa'lito, ñani jaĕpi paji cani ĩte tsioma'pĕ pa'ijĕ'ĕ, ĩte huajĕya'ye nĕija'core. ¹⁵Jaje yo'ojĕta'a ĩte mĕsaru pĕiquĕre pama'pĕ pa'ijĕ'ĕ, coa ai jerepa yo'jeire yĕhuoyeje pa'ye yĕhuojĕ'ĕ, ĩte.

Tĕjiyerepa Case'e

¹⁶De'oji, mai Ējaĕpi mĕsaru ja're pa'i, jo'cua pa'iyē Ējaĕpi mĕsarute i pa'iyere ĩsijaquĕ si'anĕpi jajese'e.

¹⁷Iye me cato yĕ'ĕ Pabłopi pĕpaquĕ toyayĕ, yĕ'ĕ jĕtĕpi, iye toya e'quena ñani yĕ'ĕ toya saocoa, cuasajajĕ caquĕ. Toya tĕji huĕ'ña si'aye yĕ'ĕ toya saoye jaje toyaquĕ a'ĕ. ¹⁸Mai Ējaĕ Jesucristopi de'oye mĕsarute si'aohua'ire necaina, pa'ijĕ'ĕ. Jaje pa'ijaquĕ.